



◆修竹

七絕二首次韻《碑與墳》

禹甸堯天孕漢魂，英靈浩氣壯昆侖。  
由來奸逆皆蠅蟻，裂土無疑自入墳。  
華夏巍巍鑄魄魂，豐碑凝血映昆侖。  
搏螭螳臂成齏粉，背祖途窮見野墳。  
注：此七絕二首用《中華通韻》。

◆柳夢影

去往青岩古城路上所見

誤將遊浪作生涯，黃犬村姑墟裏家。  
此身疑入桃源裡，一路旅情一路花。

擊球吟

賤軀無有虎熊姿，也敢揮桿學健兒。  
應悔年光久辜負，綠茵場上我來遲。

山中遇狗

偶然相遇此山中，我本無猜一稚童。  
小狗雲天皆可友，何須歧路哭途窮。

◆亦萍

詠小荷

小荷昨日亭亭立，今早含苞初綻開。  
粉嫩花容嬌似玉，教人愛意自心來。

◆中元

清明寄懷

清明蝶影化鄉魂，冒雨滋滋出木門。  
祭祖墳頭燃紙燭，伊人垂淚舊時痕。

詠玉蘭花

庭院清香白玉蘭，春心湧動對相歡。  
杏花釀酒寄千里，獨抱幽姿藏甲觀。

春雨

寒食雲雷動九垓，尋蹤隱跡叩窗來。  
銀梭穿擊蛟人淚，飛客斜牽禹甸埃。  
潤到石根萌碧瓦，隨流蕉葉溼蒼臺。  
桃花依舊春風笑，深水瑤池梔子開。

◆陳挺

清明三首

春山二月杏花開，昨日清明未及回。  
冷節新晴應已放，佳辰嫩暖信重來。  
何堪碧嶺煙霞喚，又被東風晝夜催。  
急整行裝歸莫緩，鄉關在望不徘徊。

清明時節好煙光，海角前頭即故鄉。  
望野桃紅山色暖，踏春苔綠履痕香。  
應憐渚雁迷雲水，忍對沙鷗弄夕陽。  
千里歸來猶是客，悔將書劍負行藏。

杜鵑花艷鷓鴣鳴，濕霧寒煙兩半晴。  
春陌九原尋宿草，故山千里謁先塋。  
滄桑感慨當年事，白髮登臨此日情。  
到耳鐘聲圓不散，悠悠天地寄浮生。

◆客寧

慶相逢

重逢故國見相歡，鄉誼親情共膽肝。  
患難之交忠信貴，詩詞同好韻音寬。  
僑居文學承唐律，歸里宗祠跨錦鞍。  
百變滄桑如夢幻，溪茶一碗照心丹。

◆亦勵

相逢在鯉城

——依韻奉和客寧詩《慶相逢》

萍蹤萬里各清安，相遇溫陵契意寬。  
四十春秋交誼厚，今朝偶晤展顏歡。  
詩心共續唐聲永，客路同歸歲月漫。  
回首人生多聚別，再斟杯茗撫心瀾。

◆施滄液

滿江紅·醉清明

幾度陰晴，雨煙疊、新鶯啼穀。  
染江柳、東風著力，韶光何速。  
原上枯榮芳草事，江心冷暖浮花卜。  
數泓澗、剪破碧雲天，波間逐。

清明又，山川肅。  
銜泥燕，新巢築。  
念故鄉千里，望雲遙囑。  
遊子情懷凝肺腑，浮生足跡埋塵躅。  
醉荒丘、枯骨更何年，青山宿。

驚蟄

春雷啟蟄下層陰，錦雨輕沾別後襟。  
柳眼惺忪苔凝碧，鶯喉宛轉草抽簪。  
林疏山色霧中眺，水急溪聲窗外吟。  
欲驗東君施手段，天晴明日待追尋。

詠筍

拔尖破土立紅塵，避俗貞標自有鄰。  
傲雪由來三友事，凌霄仰止一家人。  
根深抱石堪明志，鋒穎含煙待省身。  
脫卻龍鱗持勁節，青衫未拂亦精神。

◆子偉

多麗·兩窗剪燭

兩如紗，凱來勝景清嘉。  
啓軒窗、雙輝盈室，慶雲毓秀無瑕。  
若林幽、智含美韻，冰壺潔、鶴骨丹霞。  
十八年時，春秋忽度，今朝重聚笑拈花。  
捧茗盞、碧湯浮雪，飯罷啜新芽。  
檐聲碎、跳珠叩砌，苔徑微斜。  
憶鬢堂、燈窗共剪，案頭殘墨塗鴉。  
算浮生、幾番晴晦，幸此日同話桑麻。  
半世霜痕，一腔快意，且將余歲付清茶。  
更相祝、耄期松柏，昂首向天涯。  
斜暉隱、明朝再約，莫負煙霞。

臨江仙·清明寄遠

紙灰蝶杳青山外，愁雲低鎖春空。  
松濤卷盡舊顏容。  
蘚痕封故宇，燭淚泫新紅。  
一束黃花三盞酒，忍聽寒雨淒風。  
泉台何處問相逢？  
年年芳草遍，人在月明中。

◆王承天

春回人間樂清遊

一  
郊原澹冶若含情，乘興尋芳趁曉晴。  
喜鵲登枝風裡鬧，頑童滑板險無驚。  
啼鶯飛燕山川壯，舞蝶巡蜂花卉盈。  
歸路頻聞香滿袖，方知身染落紅英。

二  
採勝賞芳須及時，東君送暖仲春時。  
雲開峰嶽晴空闊，日照田疇景景奇。  
彩蝶妙姿尋俏蕊，黃鶯靈韻轉綠枝。  
凝眸沈思一心願，風雨順調吾所期。

三  
宿雨初停向曉天，披衣閒步小山前。  
澄塘雲影同鷗舞，迷眼蝶姿引我憐。  
犬吠紫籬驚客至，雞鳴農舍起炊煙。  
行來不覺臨芳苑，霞彩桃花相映妍。

四  
風攜霖雨潤芳辰，晴霽凝眸萬象新。  
蕊染露球羞醒綻，魚追花朵意攀親。  
煙縵繚繞翔銀鷺，溪澗穿流滌垢塵。  
境泰心怡消俗慮，家邦豐歲必如心。

五  
晝夜均分春色多，且隨麗日賞山河。  
桃溪影動魚爭戲，柳岸風回鳥唱歌。  
綠野千疇晴畫軸，紅塵萬象樂清和。  
地球生態同珍愛，是處安居屬大家。

山居（折腰體）

山村湖畔幾排房，竹徑柴門石砌牆。  
短棹搖波開畫境，梯田收稻入糧倉。  
夜枕松濤聞雨瀑，晨行阡陌染花香。  
東風不問紅塵事，沿路伴吾賞鶯簧。

復活又清明

南瀛社課 / 2026年4月

◆少峰

寄調《南州春色》復活又清明

逢雙節，值南瀛。  
菲華同度，復活又清明。  
緬憶人神，心切切，道盡世間情。  
遍野飛花似雪，追尋魂魄，枝上杜鵑鳴。  
欲訴思懷客意，愁吟夢寐，深念虔誠。  
惟寄蕉椰，征鴻無訊，空遠矚、寰宇紛爭。  
救贖何能平復，祈禱保春晴。

◆醺人

慶春時·普天同慶——步晏幾道「倚天樓殿」原韻

東西文化，分頭推進，隨曆前移。  
欣然慶節，大家暢飲，贏得喜而歸。  
今年加倍，中外佳辰同期。  
清明掃墓，兼懷復活，歡頌正其時。

◆老頑童

返步奉和少峰詞長《南州春色·復活又清明》

風霜惡，幾時晴？  
紅塵紛鬥，舉世盼停爭。  
客次僑鄉，求福佑，禱告此心誠。  
四月天寒路凍，人艱性苦，枝秃絕蟬鳴。  
可恨花旗倡亂，中東遭罪，烽火無情。  
雙節同時，妖邪生事，悲復活、兼歎清明。  
獨喜詩詞昌盛，文藝滿南瀛。

望仙門·卻又何必原步晏殊「玉池波浪碧如鱗」韻

路人佳節賽魚鱗。共迎新。  
擠來推去且休聾。草如茵。  
復活蠻夷樂，清明祖墓回春。  
但能時刻念仙恩。  
念仙恩。何必望仙門！  
之二——撞期又如何  
清明既寡歡，復活意闌珊。  
且看紅塵亂，人間戰不安。

◆農夫

江城子·復活又清明

椰鄉復活遇清明。熱如蒸，緒難平。  
海角天涯，極目望桐城。一炷清香朝北拜，多少願，到先塋。  
祈來今夜夢中行。倆親迎，喜盈盈。  
細語殷殷，最暖喚兒名。好景易消心暗唸，眠莫斷，夢休醒。

◆工友

返步奉和農夫兄《江城子·復活又清明》

耶穌枉駕世難醒。盜虛名，濁思盈。  
墜落凡塵，節慶孰恭迎？  
莫若龍吟追境界，殊不負，軟紅行。  
人生未了人空瑩。或佳城，或粗平。  
或子孫賢，勤掃孝心蒸。  
或任風吹淪敗壞，悲復活，歎清明！

◆亦勵

仲春雙節

仲春雙節並，復活又清明。  
鐘響開晨曙，煙繚寄暮情。  
幽芳猶帶淚，草木正蔥菁。  
一念悲歡共，流光萬象生。

◆宸馨

清明二首

孤燈吟嘆又清明，雨打芭蕉絮影輕。  
節物催人誰解意，一春心事徹宵驚。  
風篩日影幾陰晴，白蕊紅桃枝上鶯。  
半卷詩書慰羈客，一簾煙雨近清明。

慶春澤慢·清明（劉鎮體）

杏雨銜煙，梨雲抱露，春衫怯冷愁濃。  
野陌鶉啼，紙灰飛亂溟濛。  
寒食魂斷凄難掩，憶離親、獨對蒼穹。  
記年時，夢里依稀，如昔音容。  
追思漫惹天涯淚，嘆粉榆久別，霜鬢飄蓬。  
酌酒松楸，傷懷幾許心中。  
一抔黃土陰陽隔，剩墳前、泣盡殘虹。  
緒千絲，山也茫茫，水也重重。

◆客寧

奇跡

天涯復活顯神通，海內清明繼祖風。  
雙節並行煙火異，一人孤劫救援匆。  
軍機謀略憑科技，統帥揮師挾怒攻。  
陷敵校官欣脫難，和平使者白頭翁。

◆施榮煥

近清明二首

烏啼遠樹近清明，綠柳垂絲拂露英。  
細雨沾花寒食醉，蒼煙野草帶柔情。  
梨花帶雨杜鵑鳴，紫燕沈聲柳葉傾。  
遍野春風尋夢處，群山露濕近清明。

◆王承天

丙午雙節吟

今年復活值清明，兩節同臨百感生。  
遙憶雙親恩與愛，時懷兩地墓和塋。  
沉思塵世人無罪，放眼寰球心不平。  
大好山川烽火熾，耶穌能否滅魔精？

◆子卉

復活又清明

今日春深楊柳綠，適逢聖體再生喧。  
清明時節踏青路，復活天神吟佑恩。  
心在盡頭常著句，世無窮處不輕言。  
迎風松菊曾同宿，沐雨山丘共此垠。

◆賴惜貞

復活又清明

遙聞風雨鼓叮咚，竹韻同聲報喜從。  
應是春神施妙手，清明復活適時逢。

清明節抒懷

山行踏翠林，耳際盡春音。  
客子登高望，清明寄遠吟。  
煙中藏舊樹，雨後度祥禽。  
忽地飛花舞，餘香慰我心。

◆客寧

武夷山踏青

武夷山踏青  
清溪九曲水雲開，路轉晴明雨裡回。  
大小紅袍香韻味，高低翠葉爽風來。  
石階無算扶欄上，瀑布千尋落澗洄。  
登頂天遊崖壁絕，下臨深谷鳥徘徊。  
九曲溪  
武夷山上雨初晴，已有遊人九曲行。  
黃篔相連魚貫列，青峰新隔鳥飛迎。  
清風長拂精神爽，旅友新流擺拍萌。  
不負春溪明媚水，竹篙頻點畫中程。

壯行  
書囊箭匣自由行，傾聽高原壯旅程。  
躍動青春歌浪漫，赤水貴步輕盈。  
何日歸來同一敘，杯觥燦爛史詩情。

歸來  
華燈初上澳琴河，盛世霓霞虹徹夜。  
醉翁迷眼逐夢影，學書山漫煙蘿。  
寥寂孤星雲霧裏，滄桑往事漫煙蘿。

